

Dornskridoù Milin : Kanaouennoù

45. AR PAOUR KEAZ.

Me ho ped, spered Doue, entanit va spered
 ma rinn eur chanson nevez da rei d'ar Wretoued
 diwar benn eur skouer braz a zo bet c'hoarvezet
 ebarz e Breiz Izel e miz Du tremenet.
 Krena ra va c'haloun ha va goad em gwaziou,
 va daoulagad ne reont nemet skuil(1)a daelou.
 O tonet da gompren peger braz eo'nn anken
 digan hoc'h-hu, gwerc'hez, nerz, sikour me c'houlenn.
 goude ma oa maro he dud gant ar c'hlenved
 eunn den iaouankik flamm zo en em zilezet,
 zo en em zilezet da bep tristi(di)gez,
 da gaout naoun ha riou ha pep seurt paourentez,
 hema ioa eur paour keaz ne grede klask netra.
 Tud vad, dre garantez, a gase boued dezha.
 O veza ma oa iouank 'teue tud d'he skandalat
 dre'n abek ne zortie, ne zee da labourat.
 gouzant a re dismegans gant gwir bacianded
 o lakat he fizians er werc'hez binniget.
 beza en doa he imach ha hini ar basion
 dirazho bemdez c'houlou e pede a vir galoun.
 eunn ozac'h euz ar c'hontre, o klevet en doa poan
 a iez d'he welet, a lavaraz d'ezhan :
 - deut dam zi da labourat. - ar paour keaz a lavar :
 - gouzout a ran, emezhan, labourat ann douar.
 ne meuz ket a zillad, nag ivez pal na mar.
 pevar skoet a vank din vit gallout kaout pep tra.
 me a iafe d'ho ti 'vit neuze ho faea.
 ann ozac'h, war he c'her, pevar skoet en deuz roet.
 ha lavaret d'ezhan : - va mignoun na vankit ket.
 Lavaret a reaz d'ezhan : - deuz dam zi da labourat,
 pas pezo pal ha mar ha prenet da zillad.
 monet a reaz d'he di ma oe eur pennad mad
 plijout a rea d'ezhan, mad oa da labourat.
 eun dervez, dreist ann holl, e oent holl souezet
 o sonjal er paour keaz, e peleac'h oa choumet.
 mazedot da welet ma oe kavet maro
 ebarz enn he grampik war eunn dournad kolo.
 Lianet e oe e gorf da veza sebeliet
 sevel a reaz ar brud mazeaz tud da welet.
 He-man a reaz ive drema oa euz ar c'hanton

- 122 -

drema oa euz ar c'hanton, o Doue, pebez eston !
o tont er meaz ann ti en devez lavaret:
- Biken ne zai ann ene-se e baradoz Doue
ken nen devezo paet ar pez a vank din-me.
Ne deuz ket gwall bell c'hoaz emeuz dezhan roet
da brena pal ha mar ha dillad pevar skoet.
dre ar c'homzou spountuz (na) neuze a lavar
ne ouzoun ket penaoz ne zigor ket ann douar
o viret oc'h ann ene a ioa o vont d'ar joaiou
a vije digemeret gant Jezuz enn envou.
ar verc'hez gloriuz Vari dre ma oa dezhi fidel
a aotreaz ann eur-man adarre d'he zervicher
ma teuje war ann douar evit dont da labourat
evit donet d'he di da baea he zlead.
Monet a reaz d'e di, bez'e oe digemeret,
goulen a reaz labour ma oe dezhañ roet.
Labourat a ree'r park koulz hag ann tri wella,
ar pez a estone, heb dibri nag eva.
pa veze poent ar pred, kaer a ioa he bidi
evit monet gantho, gantho holl da zibri
en em daole a-gostez eno war he c'hinou,
en em daole d'ann douar vit gouzanv he boaniou.
Dont a ra an uzuiller souezet da gaout aoun,
monet a ra raktal da laret d'ar persoun :
- Duman euz eul labourer a ra kemend ha tri
hag ar pez a vantr ann holl, heb eva na dibri.
- Mad, eme ar persoun, grit evel kent bepred,
bremaik a-ben eur pennad, me ielo da welet.
Pa z eaz ebarz er park dre c'hras ann aotrou Doue
ec'h anavezaz prim penaoz oa eunn ene.
- Me das ped, ene paour, lavar din-ta me ped^o olenn;me'z
ha neo ket hirio eiz dez meuz da gorf sebeliet? ped
petra ac'heuz ezoum, petra glaskez ama,
petra ac'heuz ezom evit da ziboania ?
- Pevar skoet am oa bet digant mestr ann ti-ma :
dre vadelez va Doue ez ounn deut d'ho faea.
- E-leac'h pevar, eiz me roio mar bez red
ma viot ene paour, vit ma viot diboaniet.
- Nem euz ket a c'halloud da vonet d'ann envou
ken nam bezo klevet gant va eal ar c'helou.
Warc'hoaz d'ar marc-man, m'her laro dehoc'h, aotrou.
Mont a reaz ar persoun da gas d'ezhan 'nn arc'hant
evit ma vije tennet euz a boan, a dourmant.
Pa astennaz he zourn da gemeret an arc'hant
e santaz eur boan vraz (ann uzuiller dizamant).
he vreac'h betek he skoaz out-han a oe sounnet
hag ann arc'hant d'ann douar euz he zourn zo kouezet.

vvvvvvvvvvvvv